

Febl. 2860.




Kat. Komp.
55925

II Mag. St. Dr. P

Amici ad Amicum Epistola de zelo sacro-
sanctae fidei Romano-Catholicae
in Polonia.

Na odwozi tytułu moimę Skryżankę: Azere
et Patri. Cracov. 77. ~~id est~~ ~~id est~~ ~~id est~~
per Noandusa Chudacowicza, ~~republica~~
~~republica~~ ~~republica~~



EPISTOLA

Amici ad Amicum.

De Zelo Sacrosanctæ Fidei Romano-Catholicæ in Polonia,

55925
7

Post indictum per Serenissimum Nostrum REGEM & Dominum, Annò proximè elapso Generalem Regni Conventum, Literas tuas acceperam, ex quibus à Catholica Religione Dissidentes, pro libero Sectarum suarum exercitio, atq; pro admissione ad Senatorias & Equestris Ordinis Dignitates, summo conatu apud Rempublicam institutos abundè intellexi. Obstupui primùm ad tam inexpectatum Nuntium, quòd in Regno nonnisi tolerati, ad ea adspirare præsumerent, quæ sunt supra eorum sortem & conditionem Legibus Patriis circumscriptam, demùm summopere indolui, postquam eos exterorum Principum favores, immò fortassis & brachium ad exequenda sua molimina quasisse, immò & invenisse subreptè nuntiasti. Nunquam tamen de integritate Catholicæ Religionis in Regno dominantis desperatum iri credidi, obversante mihi in oculis Serenissimo REGE, pio, justo, ac super omnia Orthodoxo, qui cum ad Regnum assumeretur Catholicæ Ecclesiæ Filius, Sanctam & illibatam Fidem tuendam ac manutendam solemnè juramentò promissit. Videre mihi in Eo videor, revixisse primos Fidel in Polonia Plantatores MIECISLAOS, Propagatores & Propugnatores, BOLESLAOS CHROBRIOS, VLADISLAOS JAGELLONES, CASIMIROS, & quotquot olim fuerunt; murum se pro Domino DEO Exercituum opposcentes Principes, & suum sanguinem contra tot Gentes Immanitate barbaras, multitudine innumerabiles, non aliò quàm ampliandæ Religionis Catholicæ studiò prodigentes, quis est, qui tam sub Optimo & Magnanimo REGE periclitari

A
posse

posse Sacrosanctam Fidem pertimescat? Erigit nutantes animos etiam Amplissimus ille Patrum Conscriptorum Senatus, ille Nobilissimus Equestris Ordo, à prisca Majorum virtute & pietate non degener, uterq; pro Fide & Religione vitæ & fortunarum prodigus, uno tempore legum & libertatum suarum ac Jurium Ecclesiæ conservandorum Vindex acerrimus. Maximum autem ad retundendos heterodoxorum imperus robur, intrepidum Episcoporum Regni pectus sese offert, quorum tibi Pastoralis adversus scabiosum heterodoxorum pecus; vigilantia, contra simulatas *habitu oves, actu & crudelitate lupos* (a) sedulitas, nota & perspecta est. Nec me mea hæc fefellit opinio. Postquam enim eas Literas Pastorales ad Clerum & Populum suarum respectivè Diocesum, ad implorandam Divinam Congregatis Regni Statibus opem & recta Consilia, ad confutandos hæreticorum ausus & arrogantes spiritus; auxilia, animantes, direxisse audivimus, laudavimus Divinam Providentiam, quæ nunquam Ecclesiæ suæ deest, quod novissimo etiam hoc tempore prospexit Speculatores Domus Israel (b) contra sylvestres apros Vineam Domini depopulari tentantes (c) Custodes Vigiles, contra inimicos homines superleminare zizania volentes, agricolas attentos, contra fures effodere Domum Dei conantes, Patresfamilias pernoctes.

Quàm boni omnes optabant, ut vel unum saltim ejusmodi Literarum exemplar, ad Urbem hanc perveniret, ut nostrorum Episcoporum pro Fide Zelum de immortalis memoriæ Cardinali Hosio Varmieni & Stanislao Karnkoylo Vladislaviensi, Episcopis, maximis sub SIGISMUNDO AUGUSTO Religionis Catholicæ Propugnatoribus & Vindicibus acceptum, & conservantum legendo cernerent, admirarentur, laudarent.

Incusabant Nostram, Nostrorum immò & suorum, qui cum Polonis litterarum tenent commercium; oscitantiam, quòd
in

(a) Bernard. in Cant. n. 66. in princ. (b) Ezech. 3. (c) Psal. 79.

in tam gravi Religionis negotio, vel silerent penitus vel stertent negligentius, satisfactum porro Publico fuit licet pro expectantium voto & desiderio tardiùs, postquam Principis CAJETANI SOLTYK Episcopi Cracoviensis Ducis Severiæ, primùm Epistolæ Pastoralis, tandem seriùs Orationis ad Regem & Rempublicam in Conventu Regni Generali, ex tribus Statibus Congregato, super negotio vertente, habitæ, nobis copla; est facta: quas, obsecundando communibus votis; ex idiomate Polonico tum in Latinum tum in Italicum sermonem converti, ac tandem typis imprimendas dari necesse fuit, factumq; est eo successu, ut dum adhuc in prælo essent, expectarentur, anxie, impressæ exciperentur, immò distraherentur avidissimè. Universalem protinus plausum, & adprobationem meruerunt in Foro, in Curia, in Aulis Principum, in Palatiis Prælatorum, in Religiosorum Claustris, in Collegiis Nationum, in eruditorum Confessibus, idem erat, oracula Nostri Præulis legi, & laudari. Alius Authoris in dicendo constantiam, alius in promovenda Religione Orthodoxa Zelum, alius in defendenda cor magnanimum, & ad durissima pro ea ferenda; intrepidum extollebat. Et hi: quidem, quibus Civilis scientia in usu est; gratulabantur Reipublicæ Nostræ, quòd in ea non licet, ut ait Plinius (d) *Curiam Ælinguem videre, ac dicere, quod velles periculofum, quod nolles, miserum, non est.* Principem verò CAJETANUM modò Aulo Casellio comparabant; Cujus tanta fuit in perorando constantia, ut nullius gratiâ, aut autoritate taceret: modò Theodoro, cujus linguam omnia despicientem, quamq; nullus clauderat periculi metus, commendat Amianus. (e) Verùm minùs apta hæc profanæ Historiæ exempla in comparatione Ejus; Viris Ecclesiasticis videbantur, atq; potiùs iulcuisse sibi Deum Sacerdotem fidelem, (f) in quo præscorum Ecclesiæ Patrum pro Fide & Religione Spiritus revixisset; asserabant.

(d) apud Maraviglia Pr. dent. Senat. lege 68. (e) Ibidem.

(f) 1 Rom. 2. V. 35.

Et jure quidem optimo, manibus complosis acclamabant plurimi, memor enim dicebant Divini illius Oraculi: *Attendite ad Petram unde excisi estis, nolite timere opprobrium hominum, & blasphemias eorum ne timeatis*: (g) quidquid obganniebant hæretici, quidquid fautores eorum minabantur, sprevit & flocci habuit, monitum Pauli ad Timotheum ad se tanquam ad Episcopum pertinere optimè sciens: *insta opportune & importune, argue, obsecra, increpa*. (h) institit apud congregatos Regni Status, ut Religionem Catholicam à Majoribus suis cum Sanguine traductam conservarent & tuerentur; obsecravit, & importunis exterorum Principum pro hæreticis precibus & minis; Dei adjutoriò freti; minimè flecterentur, ipsos verò à Religione dissidentes, quòd ingrati & iniqui, perduelles, contra leges Patrias, quæ illis non nisi Personarum & Bonorum securitatem cautam constituerent, ad liberam & publicum Sectarum suarum exercitium arroganter adspirarent, ad Regni & Palatinatum dignitates, jus possessivum præsumptuosè arrogarent, atq; hoc ipso tum internam, tum externam Patriæ pacem degeneres Filii perturbarent; arguit & increpavit.

Hærebat ei videlicet & alta mente reposita doctrina Pauli ad Titum (i) *Oportet Episcopum esse amplectentem eum, qui secundum doctrinam est; fidelem sermonem, ut potens sit exhortari in doctrina sana, & eos, qui contradicunt; arguere, non modo Divinam, Ecclesiasticas & Civiles, ac Municipales Patriæ leges, conatibus hæreticorum obistere, sed etiam Regum Nostrorum Pacta Conventa, Vicinorum Principum foedera, & pacis Tractatus repugnare, demonstravit. Obsecutus Verbo Domini ad Isaiam dicentis (k) Clama ne cesses, & quasi tuba exalta vocem tuam. Opportune ad interpretationem Augustini (l) Scitis quod tuba non tam oblectationis esse solet, quàm terroris; non tam delectationem præferre, quàm inferre formidinem. Tuba itaq; necessaria peccatoribus*

(g) Isaiæ 51. (h) Cap. 4. v. 2. (i) Cap. 1. v. 9. (k) Cap. 58.

(l) Serm. 1. de tempore.

*ribus est, quæ non solum aures eorum penetret, sed etiam concutiat, nec deleat cantu, sed castiget auditu: eorum erga Regem & Dominum suum infidelitatem, impietatem erga Patriam, in sacrosanctas leges contumaciam exprobravit. Volve si libet sacrarum literarum monumenta, maxime reperies olim Synagogæ Sacerdoti fuisse poenam mortis institutam, nisi campanularum sonitu sese patefecisset. Audiatur sonitus Aaron, quando ingredietur & egredietur sanctuarium in conspectu Domini, & non moriatur. (m) quem textum ita exponit Gregorius (n) Sacerdos namque egrediens & ingrediens moritur, si de eo sonitus non audiatur, quia iram in se occulti Judicis exigit, si sine prædicationis sonitu incedit. Sive ingrederetur Aulam Consiliorum, Legum statuendarum & manutenendarum Sacrarium, sive egrederetur, audisses heterodoxos, dignitates ministeria, honorifica subsellia, æquali jure cum Catholicis prætendentes, objurgantem; quæ conventio Christi cum Belial? quæ societas lucis ad tenebras (o) quæ abscissorum à vite palmitum; non cohærentium Capiti & Ecclesiæ Corpori membrorum, cum Orthodoxis communio? hos tanquam proditores, protervos, tumidos & voluptatum magis amantes, quam Deum, habentes quippe speciem pietatis, virtutem ejus abnegantes Paulus ad *Timoth.* vitare jussit. (p) Quis in Senatu Socios? quis publicorum Officiorum Administratos? nisi A catholicis patiatur! Regni commoda, commerciorum incrementa, artificum copiam, ac alia plura Patriæ emolumenta, si illis publicum Sectarum suarum permitteretur exercitium, allegabant, somnia hæc vigilantium esse asseruit, & ab arboribus aut umnalibus & infructuosis (q) sperare fructum imprudentis esse reposuit. Quid prodest homini? si mundum universum lucretur, anima autem suæ detrimentum patiatur (r) Quid Regno? si Unitatem Fidei scindi, si credere quod libet; permittat licere, si augeri hæresim, quam ad vivum depinxit Poeta. (s)*

(m) *Exod.* 28. (n) *Pastor.* pag. 2. cap. 4 (o) 2 *ad Corinth.* cap. 6. (p) 2. *Timoth.* 3. (q) *Judas Apius.* (r) *Math.* 16. (s) *Massenius Poet. Lyric.* lib. 3.

O callidarum seminarium fratridum!
Proterva, vafra, fluctuans, levis, mendax,
Plutonis hæres, ac Proserpinæ partus,
Orciq; cunctis obstetricibus diris
Seu Monastici fœtus.

Prodis ab ortu filia excucullati
Trasonis, omne cui vile Sacramentum;
Fidesq; sit homini, Deoq; jurata;
Nil veritatis, lætelq; candoris,
Nil sanctitatis, optimæq; virtutis,
Nil gaudiorum, nil amabilis pacis,
Concordiæq; possides, furor tota,
Nutrix bellorum ruinaq; Europæ;
Scelerum theatrum, vanitatis Orchestra
Discordiarum scena, gentium clades,
Nostræ quietis execranda tempestas,
Securitatis scopulus, atq; Civilis
Mallea pacis, otiiq; vertigo
Legum Charybdis, naufragaq; virtutis;
Extrema pestis.

Quid inquam fiet Regno? si hæresim augeri, cum Ecclesiæ
Catholiæ damno, crescere cum Gentis Nostræ opprobrio, ser-
pere cum fidelis populi periculo, sinat atq; permittat. Fuit
ex Pseudopoliticis non nemo, qui libere pro Religione Ca-
tholica orantem *Episcopum, mansuetum & discretum esse debere*
ex Epistola ad *Timotheum* (1) admonuerit, & quasi ad rem
esset; Divi Chrysostomi sententiam allegaret, *Memento: quòd*
etsi justè dicas, cum ira, cuncta perdidisti, sive fiducialiter agas,
sive commoneas, sive quodlibet geras, Zelus enim venià carens, non
Zelus, sed ira potius est & correctio humanitatem non habens, invidia
quædam esse videtur. (u) at qua mansuetudine? qua lenitate?
erga heterodoxos esset, abundè liquet; cum eis pro perduellio-
nis criminæ veniam dari, pœnas quas meruerunt; modò in po-
sterum

(1) Cap. 3. (u) homil. 30. ad popul. Antioch. de ira.

sterum modest us sese gerant; condonari, postulasse; eum legimus? crimen tamen ipsum ne fovere videretur; nec pati, nec ferre debuit. *Negligere enim cum possis deturbare perversos nihil aliud est, quam fovere, nec scrupulo caret. Societatis occultæ, qui manifesto facinori cum potest, desinit obviare.* (v) Erat alius qui nisi parcius loqueretur, factum cum eo iri, quod Chrysostomo ab Eudoxia accidit, comminabatur, nihil tamen prorsus de fervore remisit, Agebatur non jam de ludis, ut olim in Urbe Constantinopolitana coram Statua Imperatricis faciendis, sed de erigendis & aperiendis hæreticorum per Regnum Synagogs, non se id unquam permissurum usq; ad extremum spiritum testatur, effossum jaciendis eorum fundamentis humum cum ruina & strage sui corporis se impleturum spondet, ornatum Pontificiam Tyarâ caput, pro primo lapide offert, necquidquam cum Chrysostomo metuit: (x) *Vult me Regina exulem? agat in exilium, Domini est terra & plenitudo ejus, & si vult secare? secet, idem passus est Isaias: Si vult in pelagum mittere? Junæ recordabor, si vult in Caminum inspicere? idem passi sunt illi tres pueri, si me vult feris objicere? objiciat, Danielis in lacum abjecti memoraber, si me lapidare vult, lapidet me, Stephanum habeo primum Martyrem Socium, si & caput tollere vult? tollat, habeo socium Joannem Baptistam, & si substantiam auferre? auferat, nudus exivi ex utero Matris meæ & nudus revertar.*

Ob invidiam hujusmodi Animi sui constantiam, & præclara de Religione merita, tantam in hac Urbe gloriam adeptus est, & existimationem, ut ad illius laudem, nihil mihi opus sit de meo adjicere. Siquidem tamen Rychardum Angliæ Regem de S. Hugone Episcopo Liconiensi dictum reliquisse memini, *Si omnes Episcopi tales essent, nihil adversus eos possent seu Reges, seu Principes,* (y) non solum Regno Nostro, sed Universalî Ecclesiæ similes CAJETANO Præsides optare, omnium interest; quicumq; Christianæ Fidei Professione, non nomine tenus censentur.

Opta-

(v) *Can. 55. Negligere 2. q. 7.* (x) *Epist. 33. ad Cyriac.* (y) *apud Bellug. memor. ad Philip. V. Lusitan. Regem n. 218.*

Optare inquam interest, Si enim Seneca Supremorum Principū,
& Rerumpublicarum defectum in eo ponit, quod desint Viri,
qui veritatem dicant; *Monstrabo Tibi, cujus rei inopiā laborant*
magna fastigia, & quid omnia possidentibus deest, unum scilicet; qui
verum dicant, dum nemo ex animi sui sententia dicit, aut, suadet,
sed adulandi certamen, unum est omnium officium. (z) Utinam Ca-
tholici Præsules dum de Religione & Fide agitur, non pla-
tendi studiō, non carnis & sanguinis affectu, non spe temporalis
lucris, non honorum illecebris, immò nec mortis ipsius oppe-
tendæ formidine dissimulent unquam veritatem, sed S. Caroli
Boromæi monitu: *quod Evangelium docet, quæ Christus jubet, quod*
ratio præscribit, quod Ecclesiæ Authoritas Dignitasq; exigat, (a) lo-
quantur, & non confundantur. Habent in CAJETANO bono-
rum Operum exemplum, Ejus pietatem eximiam, pro Religi-
one Zelum ardentem, fortitudinem conspicuam admirentur
& imitentur. *Tanquam Simon Oniæ filius Sacerdos Magnus in vita*
sua suffulsi Domum, & in diebus suis corroboravit Templum. Curavit
Gentem suam, liberavit eam à perditione. Ecce quasi stella n
in medio nebulae, & quasi Luna plena in diebus suis lucet; (b) huc
animos, huc oculos intendat.

Prolixior fortè Tibi in scribendo videbor, quod si tamen
Amplissima Principis, quæ hic habuit; elogia me contraxisse
(ut ingeavè fateor) credes; brevitati potiùs consuluisse, probè
intelliges. Vale. Dabam Romæ XVII. Kalendas Martii.
Annò Domini 1767.

Norindus Chalcedonius
P.A.

(z) *Epist. 21.* (a) *apud Bellug. lib. clt. n. 237.* (b) *Eccl. 50.*

Biblioteka Jagiellońska



stdr0025420

